

Horrekin batera, beste prebentzio neurri sorta bat hartua du

EROSKI-K LEHENTASUNEZ EMANGO DIO ZERBITZUA OSASUN LANGILEEI, ADINEKOEI, HAURDUNEI ETA DESGAITASUNAK DITUZTENEI

- Osasun langile akreditatuak lehentasuna izango dute saltokietan 10:00etatik 20:00etara, itxi arte, alegia.
- 65 urtetik gorakoek, desgaitasunen bat dutenek eta haurdunek lehentasuna izango dute 09:00etatik 10:00etara. Freskoen atalean haiei artatuko zaie aurrena, eta ordainleku bereziak jarrita daude haientzat

Elorrio, 2020ko martxoaren 24a.- [EROSKI](#)k neurriak ezarri ditu zenbait kolektibori lehentasuna emateko, hau da, osasun langileei, adinekoei, haurdunei eta desgaitasunak dituztenei.

Osasun langilea dela erakusten duenak lehentasuna izango du EROSKIren dendetan goizeko hamarretatik saltokia itxi arte, zortzietan; kolektibo horren eginahalean laguntzea da helburua, lan izugarria eta ezin baliotsuagoa egiten ari baita. Neurri horren bidez, erosten ematen duten denbora gutxitzea da xedea, asti gehiago izan dezaten eta atsedeen hartzeko beta.

65 urtetik gorakoek, haurdunek eta desgaitasunak dituztenek ere lehentasuna izango dute EROSKIren dendetan 09:00etatik 10:00etara (Balearretan 08:30etik 09:30era); izan ere, osasun agintariek diotenez, kolektiborik zaurgarrienak dira. Horretaz gainera, lehentasunez artatuak izango dira freskoen atalean, hau da, arrandegian, harategian eta urdaitegian. Gainera, lehentasuna ematen dieten ordainlekuak jarri ditugu.

Beste prebentzio eta babes neurri batzuk

[Prebentzio eta babes neurri](#) horietatik kanpo, EROSKI beste neurri batzuk hartzen joan da bere saltokietan, alarma egoera dekretatu dutenetik. Esaterako, garbiketari dagozkionak, produktuen eskuragarritasuna, zerbitzuen egokitzapena eta erosketa egiteko orduan ohitura jakin batzuek duten garrantziari buruzko informazioa. Garbiketa zerbitzua indartu egin dugu, eta kontaktu gainazalen desinfekzioa areagotu. Bestalde, eskularruen erabilera orokortu da bai langileetan eta bai bezeroetan. Hala berean, soluzio hidroalkoholdun bat ipini dugu ekipoentzat, eta ahal den neurrian zaku barruan produktua ez manipulatzeko gomendatu.

EROSKI

Komunikazio Korporatiboa

Tel: 946 211 214

comunicacion@eroski.es

EROSKI – PRENTSA BULEGOA

CONSEJEROS DEL NORTE

JOANA G. LANDAZABAL

EDURNE IZQUIERDO

Tel: 944 158 642

[Online prentsa aretoa](#)

Ordu aldaketa eta erosle kopuruaren kontrola

EROSKIk aurreratu egin du itxiera ordua 20:00etara, eta saltokietara erostera doazen kopurua kontrolatzeko sistema bat ezarri du; kontua da 1,5 metroko gutxieneko segurtasun distantzia bermatzea, osasun agintariek gomendatzen duten bezala. Erosketa zein ordutan egin nolabait laguntzearen, EROSKI bere kanal digitalen bidez ari da jakinarazten (sare sozialak eta webgunea) batez beste zenbat jende doan orduz ordu hipermerkatuetara eta supermerkatuetara; informazio hori astero berritzen du.

Horrekin batera, joan den astean, metakrilatozko 4.000 pantaila baino gehiago instalatzen hasia da, bai langilea eta bai bezeroa ordainlekuan babesteko.

Ezohiko egoera honetan horniketarik eta zerbitzurik onenak emateko, EROSKI eutsi egin dio bere plataforma logistikoek duten ekoizpen gaitasunari, eta orobat dendetako horniketarenari eta lantaldeei. Era berean, pertsona bakoitzak oinarrizko produktuen unitate kopuru jakin bat erosi ahalko du, ez gehiago; horrela, gehiegikeriaz erostearena eragotziko dugu, eta jende gehiagok izango ditu eskura produktuak. Produktu horiek dendako karteekin seinalatuta daude.

On line zerbitzua indartu dugu

On line supermerkatua martxan du EROSKIk, baita erosketa etxera eramateko zerbitzua ere; berdin martxan daude 40 bilketa guneak, *on line* egindako eskariak autoz zein oinez hartzera joateko. Zerbitzu horietan eskaria ohi baino gehiago igoenez, EROSKI lanean ari da horien gaitasuna %40an handitzeko, eta asmoa du asteburu honetarako jada martxa egotea.

Gomendioak erosketa egiteko

EROSKIk indartu egin ditu orobat bezeroei erosketak egiteko orduan ematen dizkien gomendioak. Esaterako, familia osotik kide bakarra joatearena, dendara ahal den gutxiena agertzea arrisku taldeen kasuan; eskularruak erabiltzea eta erabili eta gero paperontzietara botatzea, txartelarekin zein sakelakoarekin ordaintzea saiatzea, kontakturik ez egoteko, dendara erosketa zerrenda egina eramatea...

EROSKI

Komunikazio Korporatiboa

Tel: 946 211 214

comunicacion@eroski.es

EROSKI – PRENTSA BULEGOA

CONSEJEROS DEL NORTE

JOANA G. LANDAZABAL

EDURNE IZQUIERDO

Tel: 944 158 642

[Online prentsa aretoa](#)